

大明會典

大明會典卷之一百六

禮部六十四

東南表下

蘇祿國

國在東南海中。永樂十五年。蘇祿東國巴都葛  
叭荅刺。西國麻哈刺。吒葛刺。麻丁峒。妻叭都葛  
巴刺卜。各率其屬三百餘人。奉金鏤表朝貢。各  
賜印誥。封為其國王。三王者。東王為尊。西峒二王  
副之。東王歸次德州。樂。

賜祭。命有司葬以王禮。

御製碑文。留其妃妾。從十人守墓。三年還國。

勅諭其子都麻舍。封為東王。十九年遣使來貢。

貢物

梅花腦

米腦

竹布

綿布

玳瑁

降香

蘇木

胡椒

葦荑

黃蠟

番錫

古麻剌國

國在東南海中。永樂十八年國王幹刺義亦敦  
拜率妻子及陪臣來朝。貢方物請封。給印誥。仍  
其舊號。行至福州卒。

詔謚康靖。

勅葬閩縣。令有司歲致祭。

### 古里國

古里大國。西洋諸番之會。永樂三年其酋長沙  
米的遣使朝貢。

勅封為古里國王。給印誥。五年。七年。皆遣使朝貢。  
貢物

寶石

珊瑚珠

琉璃瓶

琉璃枕

寶鐵刀

拂郎雙刃刀

金繫腰

錫

阿思摸達塗兒氣

龍涎

蘇合油

乳香

檀香

木香

梔子花

胡椒

花氍單伯蘭布

苾布

紅絲花手巾

番花人馬象物手巾

線結花靠枕

滿刺加國

永樂三年其酋長拜里迷蘇刺遣使奉金葉表  
朝貢。

詔封為國王給印誥。使者言王慕義願同中國屬  
郡。歲效職貢。又請封其國西山。

詔封為鎮國之山。

御製碑文賜之。九年國王率其妻子及陪臣五百四  
十餘人朝貢。命官往勞。

上御奉天門宴之。十年遣使來貢。十二年國王子母  
幹撒于的兒沙來朝告父卒。

命嗣封。二十二年及宣德九年國王復來。正統十  
年以後屢遣使來貢。貢道由廣東。天順三年其  
王嗣子請封遣使行禮。

貢物

犀角

象牙

玳瑁

瑪瑙珠

鶴頂

金母鶴頂

珊瑚樹

珊瑚珠

金鑲戒指

鸚鵡

黑熊

黑猿

白麂

鎮服

撒哈刺

白苾布

薑黃布

撒都細布

西洋布

花縵

薔薇露

梔子花

烏爹泥

蘇合油

片腦

沈香

乳香

黃連香



金銀香

降真香

紫檀香

丁香

樹香

木香

沒藥

阿魏

大楓子

烏木

蘇木

番錫

番鹽

黑小廝

娑羅國

永樂四年東王西王各遣使朝貢

貢物

珍珠

玳瑁殼

白蕉布

花蕉布

降真香

黃蠟

黑小廝

阿魯國

在西南海中永樂五年其王速魯唐忽先遣使  
附古里諸國朝貢

貢物

象牙

熟腦

小葛蘭國

永樂五年遣使附蘇門答刺等國朝貢

貢物

珍珠傘

白綿布

胡椒

榜葛刺國

西天有五印度國榜葛刺即東印度永樂六年  
國王嚳牙思丁來朝貢九年至太倉

命行人往宴勞之十二年主蹇弗丁遣使貢麒麟等  
物正統三年貢同表用金釵

貢物

馬

馬鞍 金銀事件

戲金瑠璃器皿

青花白瓷

撒哈刺

者抹黑答立布

洗白苾布

兜羅綿

鶴頂

犀角

翠毛

鶯哥

糖霜

乳香

熟香

烏香

麻藤香

烏爹泥

紫膜

藤竭

烏木

綠木

胡椒

鹿麝黃

錫蘭山國

永樂九年遣使

諭西洋諸國歸經錫蘭山。其國王亞烈苦柰兒發兵絕我歸路。使者襲其城。生擒國王。及家屬獻于朝。

命釋之。擇立其屬之賢者。十年封耶巴乃那為王。正統十年天順三年遣使來貢。

貢物

寶石

珊瑚

水晶

金戒指

撒哈刺

西洋細布

乳香

木香

樹香

土檀香

沒藥

硫黃

藤竭

蘆薈

烏木

胡椒

碗石

象

召納棗尼因

卷二夏

國在印度之中。即古佛國。永樂十八年其國王亦不刺金。數侵榜葛刺國。遣使齎勅諭之。

拂菻國

在嘉峪關外萬餘里。洪武四年遣其國故民捏古倫齋

詔諭之。尋遣使朝貢。

柯枝國

永樂二年其國王可亦里遣使朝貢。十年復遣使來請封其國之山。

詔封為鎮國山。

御製碑文賜之仍

賜國王印誥

麻林國

永樂十二年遣使來朝貢麒麟等物

呂宋國

洪武五年與瑣里諸國同貢方物。永樂三年遣使朝貢。萬曆四年助討逋賊有功來貢。貢道由福建

碟里國

日羅夏治國



合猫里國

永樂三年。同爪哇國朝貢。

古里班卒國

打回國

忽魯謨斯國

又云忽魯母思。以上俱永樂三年遣使朝貢。

甘把里國

又云甘巴里。永樂十二年遣使朝貢。

加異勒國

祖法兒國

又云左法兒。

溜山國

阿哇國

南巫里國

急蘭丹國

奇刺尼國

夏刺比國

窟察尼國

烏涉刺踢國

阿丹國

魯密國

彭加那國

捨刺齊國

八可意國

坎巴夷替國

黑葛達國

又有白葛達。宣德七年至

刺撒

不刺哇

木骨都東

喃渤利

千里達

沙里灣泥

以上俱永樂中遣使朝貢

大明會典卷之一百六

大明會典卷之一百七

禮部六十五

朝貢三

北狄

北狄鞬韃最大。自胡元遁歸沙漠。其餘孽世稱可汗。東兀良哈。西哈密。北瓦剌。瓦剌強。數敗鞬韃。其後兀良哈。哈密皆內附。而兀良哈遂分為朵顏等三衛。瓦剌首馬哈木。封順寧王。鞬韃首阿魯台。乞降。封和寧王。皆遣使入貢。自後叛服不常。成化中。小王子亦通貢。貢無常期。隆慶中。俺荅封順義王。每歲貢馬互市。至今不絕。

迤北小王子

元刺三王

永樂元年。鞬韃知院阿魯台。元刺馬哈木。各遣人入貢。七年。封元刺馬哈木。順寧王。太平。賢義王。把禿。孛羅安樂王。通貢不絕。十一年。阿魯台乞降。奉表稱臣。貢駝馬。封和寧王。尋各叛去。二十年。阿魯台弑其可汗本雅失里。而自立。馬哈木攻破之。遂立元尊。脫脫不花為可汗。居漠北。宣德元年。元刺太平子捏烈忽嗣賢義王。馬哈木子脫歡嗣順寧王。二年。阿魯台脫歡各遣人朝貢。三年。脫歡復貢。六年。阿魯台遣人自遼東。

入貢。九年。脫歡擊敗阿魯台。走死。遣人朝貢。且告捷。正統初。可汗脫脫不花及脫歡遣人貢馬。六年。脫脫不花及其太師也先貢馬也。先者脫歡子也。景泰元年。阿剌知院遣人貢馬請和。賜勅諭意。復貽書。及刺可汗。

賜也。先勅。遺可汗也。先阿剌金幣。脫脫不花乃遣皮兒馬黑麻報貢也。先使亦至。

賜宴于奉天門。陞賞有差。三年。剌同年撒米王。子遣人貢馬也。先既攻敗脫脫不花。獻良馬二匹。來告捷。

命宴其使。賜鈔幣也。先請命使往來未許。是歲瓦剌使臣大尉察占平章哈只阿力等三千九百餘人。宴禮部也。先使每至京常三千餘人。出入驕恣。貢使未還。虜騎輒入塞鹵掠。

朝廷以通好故不問。其頭目正副使。授都督。都指揮等官。各賞金犀等帶。三千餘人皆有賜。織金綵紵。至二萬六千四百餘疋。絹九萬一百餘疋。衣靴帽。以萬計。及也先自立為可汗。遣哈只貢馬。及貂鼠銀鼠皮。書稱大元田盛大可汗。

朝廷亦稱瓦剌可汗以報之。是歲也先弟賽因孛

羅魯王諸酋並遣人貢馬也。先新喜欲與中朝  
通好，貢市往來。然賞賜亦以百萬計。天順初也。  
先為哈刺所逐死。字來殺哈刺，立小王子為可  
汗。字來癘王子復弒小王子，立脫思。脫思者小  
王子從兄也。及字來衰，而大酋毛里孩阿羅出  
字羅忽入河套相持。時遣人貢馬，然亦數寇邊。  
成化初，滿都魯稱可汗。訛加思蘭為太師，與字  
羅出更入為寇。惟九年一貢馬。十三年，滿都魯  
訛加思蘭遣桶哈阿忽刺等四千人貢馬。駝五  
千。許以一千七百人入邊。虜中亂，滿都魯亦衰。



而後把禿猛可王太師亦思馬因知院脫羅千  
屢遣人貢馬。弘治初。把禿猛可死。弟伯顏猛可  
立。及其酋長與丸刺皆貢馬。伯顏猛可與火節  
相攻。小王子益衰。虜自天順成化以來。屢立數  
王。然皆稱小王子。自是頻年入貢。元年貢使六  
千餘人。准放一千五百餘人。三年三千五百人。  
准放一千五百人。四年五千人。准放一千七百  
餘人。九年三千人。准放一千人。十年六千人。准  
放二千人。至京者以五百人為率。貢道皆由大  
同。入居庸。正德中。丸刺西徼與土魯番相讎。殺

小王子復強。小王子三子長阿爾倫其後為土  
蠻罕。次阿著次滿官。噶爾倫為太師。亦不剌  
所弒。二子卜赤也明皆幼。阿著稱小王子。未幾  
死。衆立卜赤稱亦克罕。而亦不剌部從吉囊居  
套。火篩部從俺荅居漠。老把都住牧宣府塞外。  
與吉囊子吉能東西出沒。並聽俺荅調度。吉囊  
俺荅老把都皆阿著子。而俺荅最強。嘉靖間。犯  
邊無寧歲。遂絕其貢。至隆慶中復次貢。為順義  
王。

貢物

馬

駃

貂鼠皮

海青

順義王

嘉靖間虜吉囊駐牧河套近延寧。俺荅近大同山西。老把都近宣府。各衆十餘萬。時時寇邊。二十九年。俺荅入犯薄都城。脅求通貢。不許。隆慶四年。俺荅孫把漢那吉來降。

詔授官職厚撫之。俺荅屢請不得。遂執板升叛人趙全等以獻。請贖還那吉。因乞封貢許之。乃封俺荅為順義王。

賜勅書每襲則更

勅。有功則加陞。入貢者以

勅為驗。自是襲陞朝貢不絕。歲以

聖節及正旦。後改冬至兩貢。每貢各衛百人。由喜峯口入

貢物

駝

馬

東北夷

女真古肅慎地。在混同江東。開原城北。東濱海。西接兀良哈。南鄰朝鮮。為金餘孽。永樂元年。野人頭目來朝。其後悉境歸附。九年。始設奴兒干

都司建州兀者等衛及千百戶所以其酋長為都督都指揮指揮千百戶鎮撫。

賜勃印。又置馬市開原城以通貿易。蓋女直三種居海西等處者為海西女直。居建州毛憐等處者為建州女直。各衛所外又有地面有站有寨建官。

賜勅一如三衛之制。其極東為野人女直。野人女直去中國遠甚。朝貢不常。海西建州歲一遣人朝貢。

海西

建州

建州衛。建州左衛。建州右衛。毛憐衛。每衛歲許  
一百人。建州寄住毛憐達子。歲十二人。其餘海  
西各衛。并站所地面。每處歲不過五人。其都督  
來朝。許另帶有進貢達子十五人同來。貢道由  
遼東開原城。近年定海西。每貢一千人。建州五  
百人。歲以十月初。驗放入關。十二月終止。如次  
年正月以後到邊者。邊臣奏請得。

旨方准驗放

貢物

馬

貂鼠皮

舍列孫皮

海青

兔鷲

黃鷹

阿膠

珠角 即海象牙

西戎土

自陝西蘭州渡河。五百里至肅州。肅州西七十里。為嘉峪關。嘉峪關外並稱西域。而陝西以南並四川。抵雲南外徼。並稱西番。西域七衛曰哈密。曰安定。曰阿端。曰赤斤蒙古。曰曲先。曰罕東。曰罕東。皆在關西。而哈密又最西。永樂十三年遣使往諭西域。歷十有七國。其後土魯番

強占據哈密關西諸衛皆為所侵擾西番地為  
都指揮司二指揮使司一宣慰使司三招討司  
六萬戶府四千戶所十七又於洮河西寧各置  
茶馬司以通貿易。

國初令各酋長故有官職者至京授職俾因俗為  
治至今因之

哈密 畏兀兒附

哈密古伊吾廬地在燉煌北大磧外為西域諸  
番往來要路其國部落與回回畏兀兒三種雜  
居非貴族不相下永樂二年以封元孽安克帖



木兒為忠順王。而授其頭目馬哈麻火只等為  
指揮等官。分居苦峪城。忠順王數世襲封。

賜金印。詰命領西域職貢。而三種各立都督以佐  
之。諸番貢使皆由哈密譯送。成化元年。令哈密  
每年一貢。以八月初旬驗放。入關多不過三百  
人。內起送三十人赴京。九年以後。及弘治正德  
間。數被土魯番驅掠。

朝廷每遣大臣經畧。還其金印城池。復立酋長。然  
驅掠如故。嘉靖入年。定每貢不必拘三百之數。  
止據到數。一人起送二人。前起貢回。盡數出關。

後起方許入關。十一年定五年一貢每貢不過一百人。起送不過三十人。四十二年定哈密畏兀都督俱五年一貢每貢三十人。起送十三人。餘留邊聽賞。

貢物

馬

駝

玉

速來蠻石

青金石

把咱石

金剛鑽

梧桐鱗

鐵器

諸禽皮等物

安定衛

安定韃靼別部。洪武七年西域安定王卜煙帖木兒遣使來朝。貢鎧甲刀劍等物。因立其酋長為四部各

賜印。曰阿端。曰阿員。曰苦老。曰帖里而。

賜卜煙帖木兒銀印。仍稱安定王。八年設安定阿端二衛。指揮使司分統四部。天順三年弘治十一年。俱遣使來貢駝馬。

罕東衛

赤斤蒙古

罕東罕東存一衛。皆在沙州。本西戎部落。洪武

三十年設以其首長鎖南吉利思為指揮。餘事永樂二年來貢。陞指揮使。赤斤蒙古西戎月氏國。永樂二年故韃靼丞相子塔力尼來歸。因設赤斤蒙古千戶。所以為千戶。尋陞為衛。塔力尼為指揮。各

賜印誥。宣德以來朝貢不絕。嘉靖四十二年定五  
年一貢。每貢三十人。起送十三人赴京。餘留邊  
聽賞

貢物

馬

駝

梧桐醮

曲先衛

曲先亦西戎部落。永樂四年設衛以其首散西  
思為指揮同知。正統二年遣使朝貢。

哈烈

哈三

哈烈兒沙的蠻

哈失哈兒

哈的蘭

賽蘭

掃蘭

亦力把力又云別失

也克力

把丹沙

把力黑

俺力麻

脫忽麻

察力失

幹失

卜哈刺

怕刺

失刺思

你沙兀兒

克失迷兒

帖必力思

果撒思

火壇

火占

苦吃

必六海牙

牙昔

牙兒干

戎

白

兀倫

阿速

阿端

耶思成

坤城

捨黑

播音

克札

西域三十八國朝貢皆經哈密。其貢期或三年。或五年一次。起送不過三十五人。

哈烈。洪武三十五年遣使。

詔諭賜織金文綺。永樂七年。正統二年。俱遣使來朝。貢馬及玉石。

亦力把力。洪武二十四年。遣使來朝。貢馬。永樂四年。貢玉璞等物。十一年。遣使。

諭其國。十六年復入貢。正統二年其王歪思遣人  
貢玉璞駝馬。景泰天順以來入貢不絕。

土魯番

火州

柳陳城

火州。古車師地。東七十里為柳陳城。西百里為  
土魯番。永樂七年火州遣使朝貢。宣德五年火  
州王哈散土魯番萬戶賽因帖木兒柳陳城萬  
戶瓦赤刺俱遣使貢馬及玉璞。其後朝貢者止  
稱土魯番。成化九年番首阿力侵陷哈密虜王  
母奪金印。弘治初其子阿力麻復誘殺罕慎。六  
年又虜陝巴以金印去。



朝廷遣官經畧絕其貢。十年效順。復許通貢。自後  
叛服不常。正德四年。五年俱來貢。嘉靖二年以  
後定五年一貢。

貢物

馬

駝

玉石

鑲鐵刀

鑲鐵鏈

各色乾小刀

金剛鑽

梧桐鱗

羚羊角

鐵角皮

紅絹道布

柳青撒哈刺禪衣

鞍子

撒袋

花手巾

撒馬兒罕

撒馬兒罕。古屬賓國。洪武二十年國王帖木兒遣使朝貢。二十二年復進馬。二十四年進海青。正統中再貢馬及玉石。成化弘治中再貢獅子。嘉靖二年後定五年一貢。

貢物

馬

駝

玉石

阿思馬亦花珠

賽蘭珠

瑪瑙珠

水晶枕

番枕

珊瑚樹枝

梧桐齧

鎖服

絞納

鑰鐵刀

鑰鐵銼

磁砂

黑樓石

眼鏡

羚羊角

銀鼠皮

鱧角皮

醫迷

嘉靖三年自甘肅入貢後定五年一貢每貢起

送十餘人

貢物

獅子

西牛

玉石

金剛鑽

珊瑚珠

花瓷珠

花瓷湯壺

銚

鎖服

撒哈刺

花帳子

羚羊角

拾列孫皮

西狗皮

鐵角皮

天方國

天方。古筠沖地。又名西域。宣德中遣使朝貢。正德十二年入貢。嘉靖中定五年一貢。

貢物

駝

馬

玉石

瑪瑙

鑲鐵刀

鑲鐵銼

花銅鍾

賽蘭石

磁砂

金剛鑽

菴班兒香

眼鏡

鎖服

羴羊角

鐵角皮

默德那國

即回回祖國。地接天方。宣德中遣使隨天方國使臣朝貢。

于闐國

于闐大國在葱嶺北。永樂六年頭目打魯哇亦不刺金遣使來朝。貢玉璞。

日落國

八答黑商

俺都淮

亦思弗罕

俱永樂中遣使朝貢

黑婁 宣德七年遣使朝貢

額即兒

哈辛 俱嘉靖中新附人

大明會典卷之一百七

大明會典卷之一百八

禮部六十六

朝貢四

西戎下

烏思歲

西番古吐番地。元時為郡縣。洪武初因其舊職。於是烏思歲番僧有闡教王。闡化王。輔教王。贊善王。統化番民。又有護教王。大乘法王。大寶法王。凡七王俱

賜銀印。令比歲或間歲朝貢。成化十七年題准。每三年一貢。各番王差人填寫原降勘合。闡化闡



教輔教三王差來人。從四川布政司比號贊善  
王差來人。從陝西布政司比號并齋有印信番  
本咨文。方許入貢。每貢各一百人。多不過一百  
五十人。大乘大寶二法王原係遊僧無定所。不  
管東番民。不給勘合。亦無進貢年例。止聽其欲  
來。許差僧徒十人。齋印信番本隨四王貢使赴  
京。護教王弘治以後來貢。例與輔教王同。其後  
入貢人數益多。隆慶一年。奏定闡教闡化輔教  
三王。大乘大寶二法王俱二年一貢。每貢各一  
千人。內五百人全賞。在亦五百人減賞。在亦於

全賞內起送八人赴京。餘留邊聽賞。護教王三年一貢。每貢七百七十五人內三百八十七人全賞三百八十八人減賞於全賞內起送六人赴京。餘留邊聽賞。

貢物

畫佛

銅佛

銅塔

舍利

各色足力麻

各色鐵力麻

各色氍毹

珊瑚

犀角

左髻

毛纓

酥油

明盔

明甲

刀

劍

長河西魚通寧遠等處

雜道長官司附

洪武十六年置長河西等處軍民安撫使司。每  
年一貢。給與勘合於四川北號雅州入境。每貢  
止許五六十人。多不過一百人。方物該守關官  
員辨驗申送都布按三司審實起送。後改陞宣  
慰司。弘治以來。人數漸多。嘉靖二年題用弘治  
以前例。不許過一千人。隆慶二年定三年一貢。

每貢一千人內五百人全賞五百人減賞於全賞內起送八人赴京餘留邊聽賞

雜道長官司本長河西宣慰司部落初附本司年例進貢每貢差僧徒百人成化十六年乃另行起貢隆慶三年定三年一貢每貢三百三十六人內一百六十八人全賞一百六十八人減賞於全賞內起送四人赴京餘留邊聽賞

貢物

畫佛

舍利

各色足力麻

各色鐵力麻

各色繒纒

珊瑚

犀角

左髻

明盔

刀

毛纓

朵甘思 系甘肅直管招討司府

洪武七年。陞朵甘衛為西安行都指揮使司。給銀印。十八年。改朵甘思宣慰使司。及萬戶府。招討司。東道萬戶府。塔爾千戶所。每年一貢。給與勘合於四川。比號雅州入境。每貢止許五六十人。多不過一百人。後三年。一貢。每貢一百人。多

不過一百五十人

直管招討司本朵甘思宣慰司部落初附本司  
進貢襲職成化以後乃分為二貢期人數與本  
司等後因人數漸多隆慶三年定俱三年一貢  
每貢各一千人內五百人全賞五百人減賞於  
全賞內起送八人赴京餘留邊聽賞

貢物

各色足力麻

各色鐵力麻

各色繒纒

左髻

明盔

長刀

董卜韓胡

別

思寨安撫司

加渴丸寺

舊每年一貢。後三年一貢於四川比對勘合。人數照朶甘思例。嘉靖二年題用弘治以前例。不許過一千人。其部落別思寨安撫司。加渴丸寺。弘治以後另貢。

加渴丸寺。茂州汶川縣地方。成化六年奉

勅本處住坐。隆慶三年定俱三年一貢。董卜韓胡別思寨每貢共一千七百三十五人。內八百六十七人全賞。八百六十八人減賞。於全賞內起送八人赴京。餘留邊聽賞。加渴丸寺每貢七百

六十四人。內三百八十二人全賞。三百八十二人減賞。於全賞內起送六人赴京。餘留邊聽賞。  
貢物

各色氈毯

各色足力麻

各色鐵力麻

珊瑚

明盔

鐵甲

遮甲麻衣

白毛纓

紅毛纓

黑毛纓

黃左髻

金川寺番僧



四川威州保縣地方。舊三年一貢。每貢許一百人。多不過一百五十人。正德以來。人數漸多。隆慶三年。定每貢五百五十人。內二百七十五人全賞。二百七十五人減賞。於全賞內起送八人赴京。餘留邊聽賞。

貢物

珊瑚

胡黃連

木香

麝香

足方麻

左髻

毛水

雜谷安撫司

舊三年一貢。每貢許一百人。多不過一百五十人。後人數漸多。隆慶三年定每貢一千二百七十四人。內六百三十七人全賞。六百三十七人減賞。於全賞內起送八人赴京。餘留邊聽賞。弘治正德中。又有新招撫上草坡克州等寺寨附屬本司。

貢物

珊瑚

胡黃連

木香

茜草

海螺

左髻

毛衣

纓纓

足力麻

打喇兒寨

四川威州地方。正德四年招撫。奉

勅為冠帶頭目。議唯三年一貢。每貢許二百五十

人。隆慶三年。定一百二十五人。全賞一百二十

五人。減賞於全賞內。起送四人。赴京。餘留邊聽

賞。

貢物

珊瑚

攬總

達思蠻長官司

舊來朝貢至正統十年以後止。弘治二年復來。嘉靖五年題用正德中例以三百九十人為正額。後漸次增多。隆慶三年定三年一貢。每貢四百三十八人。內二百一十九人全賞。二百一十九人減賞。於全賞內起送四人赴京。餘留邊聽賞。

貢物

珊瑚

犀牛角

硃砂

木香

長寧安撫司

韓胡硃怯列寺

二項番僧在四川松潘茂州等處地方。舊每年朝貢許三十人。多不過五十人。附近烏思藏地面者照烏思藏例。三年一貢。每貢許二三十人。多不過五六十人。嘉靖八年長寧以宣德中例為請。遂准三百人為正額。隆慶三年定長寧安撫司。三年一貢。每貢三百人。內一百五十人全賞。一百五十人減賞。於全賞內起送四人赴京。餘留邊聽賞。韓胡硃怯列寺。三年一貢。每貢一

百五十人。內七十五人全賞。七十五人減賞。  
全賞內起送四人赴京。餘留邊聽賞。

貢物

珊瑚

明盔

明甲

刀

乾松

氍毹

洮岷等處番僧

每寺許四五人。每年終遇大節。一次赴京朝貢。

洮岷等處番族

舊二年一貢。後三年一貢。大族起送為首者四

五人。小族起送一二人。留邊聽賞者大族不過十五人。小族不過七八人。

貢物

銅佛

畫佛

舍利子

馬

駝

酥油

青鹽

青木香

足力麻

鐵力麻

氍毹

左髻

毛纓

明盞

明甲

腰刀

土官

湖廣廣西四川雲南貴州腹裏土官遇三年朝  
覲差人進貢一次俱本布政司給文起送限本  
年十二月終到京慶賀限

聖節以前謝

恩無常期貢物不等

洪武間朝貢土官

四川

烏蒙軍民府

烏撒軍民府



芒部軍民府

金筑安撫司

後屬貴州布政司

廬山長官司

後屬貴州宣慰司

慕役長官司

後屬貴州永寧州

大華長官司

西堡長官司

後屬貴州安順州

寧谷寨長官司

後屬貴州尖峒州

頂營長官司

後屬貴州永寧州

十二營長官司

後屬貴州鎮寧州

安順州

後屬貴州布政司

貴州宣慰司

後屬貴州布政司

平茶洞長官司

播州宣慰司

程番長官司

後為府設派官屬貴州布政司

龍州

後為宣撫司

永寧州

後屬貴州布政司

鎮寧州

後屬貴州布政司

康佐長官司

後屬貴州鎮寧州

建昌衛

建安州

禮州

栢興州

酉陽宣撫司

方播長官司

後屬貴州宣慰司

木瓜長官司

後屬貴州金甌安撫司

黎州

邛部軍民府

德昌府

普安軍民府

東川軍民府

長河西

天全六番招討司

占藏先結簇長官司

阿昔簇長官司

峒匪簇長官司

北定簇長官司

祁命簇長官司

阿昔洞簇長官司

勒都簇長官司

班班簇長官司

者多簇長官司

麥匪簇長官司

石砦宣慰司

泥溪長官司

雷坡長官司

沐川長官司

平夷長官司

蠻夷長官司

馬湖府 後改設涪官

岳希蓬長官司

隴木頭長官司

靜州長官司

里州

各色絨綿

各色布手巾

花藤席

降香

黃蠟

檳榔



凡朝貢方物。洪武二十六年定。凡諸番國及四夷土官人等。或三年一朝。或每年朝貢者。所貢之物。會同館呈報到部。王客部官赴館點檢。見數。遇有表箋。移付儀部。其方物分豁進貢。上位若干。

殿下若干。開寫奏本發落人。夫管領。先具手本。關

領

內府勘合依數填寫。及開禁門。單於次日早朝照進。

內府或於

奉天門。或

奉天殿丹陛。或

華蓋殿。及

文華殿前陳設。本部正官奏啓進納。若遇慶賀

聖節。正日貢獻之物。初到。即以數目具本奏聞。物候

至日。通進。

永康縣

思同州

東蘭州

那地州

全茗州

利州

鎮安府

田州府

後改田寧府設  
流官

泗城州

奉議州

雲南

姚安軍民府

後改設  
流官 姚州

後改設  
流官

元江府

廣通縣

平緬宣慰司

車里軍民宣慰司

八百宣慰司

麗江府

景東府

楚雄府

後改設流官

鶴慶府

後改設流官

尋甸府

後改設流官

鄧川州

海東土官

賓居土官

小雲南土官

臨安府

大理府

後改設流官

湖廣

施南宣慰司

忠建安撫司

思南宣慰司

後改設司

思南府。設流官。屬貴州布

永順宣慰司

保靜宣慰司

臻部六洞黃坡等處長官司

曲靖軍民府 後改設派官署其南布政司  
萬曆初朝貢土官

四川

烏蒙軍民府

烏撒軍民府

播州宣慰司

蠻夷長官司

靜州長官司

岳希蓬長官司

泥溪長官司

平夷長官司

沐川長官司

隴木頭長官司

石砫宣撫司

天全六番招討司

酉陽宣撫司

祁命族長官司



阿昔洞族長官司 者多族長官司

烙匝族長官司 北定族長官司

勒都族長官司 麥匝族長官司

壘溪鬱即二長官司

寧戎巡檢司 鎮雄府

寒水巡檢司 永寧宣撫司

永寧宣撫司 九姓長官司

長寧縣下寧遠鄉萬里箐寨

阿角族安撫司 思囊兒族長官司

太平長官司

貴州

金筑安撫司

貴州宣慰司

程番長官司

木瓜長官司

方番長官司

廬山長官司

以上兼隸四川

清平衛覘里安撫司

養龍抵塞乖西水東西長官司

白納小平伐二長官司

青山中曹龍里割佐四長官司

都勻府歸化上下二牌頭

卧龍小龍大龍韋番四長官司

盧番洪番金石三長官司

羅番上馬小程三長官司

平伐麻嚮貴竹三長官司

廣西

龍英州

江州

龍州

思明府

陀陵縣

上下凍州

思陵州

萬承州

安平州

太平州

羅陽縣

思城州

茗盈州

南丹州

思同州

東蘭州

那地州

全茗州

鎮安州

泗城州

奉議州

果化州

歸德州

向武州

歸順州

憑祥州

都康州

田州

雲南

麗江府

湖廣

永順宣慰司

保靖宣慰司

桑植安撫司

添平千戶所

凡土官差人到京。鴻臚寺即與引見。并投進實封奏本。其方物赴禮部驗進。○嘉靖元年議准。聖節止許各宣慰安撫官。具方物。差人赴京。其餘佐貳官以下。及把事頭目。護印舍人。止許朝覲。年入貢。每司量起的。當通把三二人。齋執方物。多者給與本冊咨批。少者給與咨批。各給關文。應付馬匹。就彼變賣銀兩貯庫。降香黃蠟茶。

葉等物要實重五十五斤為一杠。每杠賞閩生絹二疋。照杠遞加。其不由本布政司起送或斤重不足。差人過多。不待朝覲之年。擅自起貢禮部。不與進收。責諭遣回。賞賜應付通行停止。○二年議准。前數須及過限一月。俱屬違例。止減半給賞。若違例多端者。不賞。○七年議准。湖廣土官襲授宣慰。宣撫安撫職事者。差人慶賀。每司不許過三人。其三年朝覲。每司止許二人。大約各司共不過百人。起送到京者。不過二十人。餘俱存留本布政司聽賞。所司辨驗方物。造冊

給批差官伴押到京禮部驗批相同方與賞賜  
應付

貢物

馬

象

犀角

孔雀尾

象牙

象鈎

象鞍

象腳盤

蚺蛇膽

金銀器皿

青紅寶石

玉石

圍帳

金絨索

建昌府

閩州

中縣

碧舍縣

會川府

武安州

永昌州

隆州

姜州

黎溪州

麻龍縣

會理州

威龍州

昌州

普濟州

廣西

龍英州

江州



龍州

思明府

陀陵縣

養利州

上下凍州

思陵州

萬承州

安平州

太平州

後設太平府  
流官統本州及龍溪羅陽等州縣

都結州

羅陽縣

思城州

結倫州

鎮遠州

左州 後改設添官

崇善縣

茗盈州

南丹州

結安州

內府陳設交收○凡進馬羸到於會同館即令典  
牧所差醫獸辨驗兒騾駒及毛色齒歲明白備  
寫手本交收及令本館放支草料喂養仍撥人  
夫管領至期進

內府行列于丹墀東伺候

御前牽過同手本交付御馬監官收領○凡進象駝  
到於會同館令本館喂飼次日早進

內府

御前奏進如候

聖節正旦冬至陳設進收因遠先行奏聞象送馴象

所駁送

御馬監收養。至期令進

內府陳設。○凡進虎豹禽鳥之類。到於會同館。就  
令畜養之人。喂養具數奏聞。送所司收領。至期  
進

內府丹墀內陳設。○凡進金銀器皿珍寶段疋之  
類。須同貢獻之人。驗視明白。具寫奏本。仍以器  
具裝盛。或黃袱封裹。分撥館夫。一同貢獻之人  
收管。先期一日。關填勘合。開報門單。次日早照  
進

內府手

殿前丹陛等處陳設。一一交付長隨內使收受。○凡進蘇木胡椒香蠟藥材等物萬數以上者。船至福建廣東等處所在布政司。隨即會同都司按察司官。檢視物貨封艚完密聽候。先將番使起送赴京。呈報數目。除國王進貢外。番使人伴附搭買賣物貨官。給價鈔收買。然後布政司仍同各衙門官。將貨稱盤見數。分豁原報附餘數目。差人起解前來。禮部委官及行戶部都察院委官會同差督人夫。運進承運等庫稱盤入庫。

禮部先期開寫各庫該收貨物手本手

午門開領各門勘令填寫照進并出給長單令該  
庫批寫實收數目回部備照○後續定凡外國  
朝貢惟朝鮮國所進方物陳設奏進其餘俱該  
司驗過具題得

旨開具手本送

右順門即歸極門

內府各該衙門交收

今朝鮮國貢物亦不陳設止  
具題開送歸極門內使交收

○凡進馬惟朝鮮國先行

函奏引過御馬監交收其餘俱該司驗過送鴻臚寺

隨本引進。遇慶賀禮部先行請。

旨行御馬監。至期陳設。今朝鮮國進馬亦不而奏。止具題送御馬監交收。

凡進象、駝、虎、豹、禽、鳥之類，俱不陳設，惟具題送內府各衙門交收。○凡進到獅、象，禮部題請量留原來伴送四人，與同馴象所軍奴到于

御馬監調養，待後馴習發回。光祿寺日給養膳，仍行兵部給與牌面懸帶，以便

西安門出入。○凡安南國進金銀器皿之類，引奏進獻，其餘俱具題送。

歸極門交收。○凡進藥材等物，徑從禮部具題送。

歸極門交收。蘇木胡椒硫黃近多解南京禮部交收。○凡各處夷人貢到方物。例不給價。朝鮮國常貢馬匹。亦不給價。

凡勘合號簿。洪武十六年始給暹羅國。以後漸及諸國。每國勘合二百道。號簿四扇。如暹羅國暹字號勘合一百道。及暹羅字號底簿各一扇。俱送。

內府羅字勘合一百道。及暹字號簿一扇。發本國收填。羅字號簿一扇。發廣東布政司收。比餘國亦如之。每改元。則更造換給。

官都司布政司等官。新除官到任。及遇時節。不許齋禮物相慶。仍以紙寫禁約一道付之。或有貪婪無藉。凌害者。不待填寫勘合。止具本遣人齋。

勅不經總兵官及三司徑赴京陳奏。治以重罪。計有勅符勘合土官衙門。

車里木邦。緬甸。麓川。平緬。八百大甸。老撾。六宣慰司。

干崖。天候。里馬。茶馬。四長官司。

潞江安撫司。



孟良孟定。灣甸。鎮康等府。

其後又有孟養等宣慰司。威遠等州。亦給

勘合。

凡番夷

誥勅。初哈密等七衛俱有。如朵顏海西諸衛例。後乃沒於土魯番而烏思藏長河西等處闡教闡化。輔教贊善護教。五王。大乘。大寶。二法王。各處國師俱

誥命。禪師。

勅命。都綱。刺麻。都指揮。指揮等俱。

勅諭其闡教開化輔教贊善仍給勘合護教自稱  
原有勘合燬於火累年請給未與二法王及長  
河西朵甘思董卜韓胡俱不給勘合○嘉靖二十  
八年題准各處番僧到京襲職進貢禮部置立  
文簿一扇將各僧齋到舊給

誥勅所載師僧職名頒給年月及見今襲替僧徒  
名字住坐地方分別已未領有新

誥新

勅逐一登記備行布政司照式置造以後如遇應

貢年分將文冊查對如係年代又遠果有退老病故情節方許照例起送承襲。其有已襲而未領新

誥勅者照已賞未襲職例許起送一二人。如有捏作入番化夷在番病故者不許濫放。如違聽本部通將三司等官參究治罪。各番應領

誥勅新者既給與舊者即令銷繳其新給

誥勅俱要開載住坐地方如隨護教王進貢襲職者即稱係護教王地方住坐某師某名其餘地方准此

計有誥勅夷人番僧

朵顏衛

福餘衛

泰寧衛

海西女直

建州女直

烏思藏

長河西等處

凡夷人入關嘉靖十二年令邊方一應該管官員務要盤驗明白方許放進若

勅書內有洗改詐偽字樣即便省諭阻回不許一

槩朦朧驗放

凡夷人番本嘉靖二十六年題准該邊官審明

封進若於理法不通。即省諭退還。不必瀆奏。到京後如有番本。不係邊官封奏者。不與准理。

凡夷使往回。嘉靖二十六年。令經該巡撫衙門給與印信文簿。事畢回還者。禮部給與印信文簿。令所過驛遞。將夷使名數。并應付馬驢車輛廩給口糧各數目。初到及起身各日時。逐一登記。就用本驛遞條記。鈐蓋。仍付伴送人員齎往前路驛遞。一體填寫。事完之日。伴送人員將前簿在內。送本部。在邊送巡撫衙門。稽考。禮部仍咨各該巡撫。凡伴送夷人。務選平昔畏法諳熟。

夷情者差遣不得濫委擾害地方

凡譯待夷使成化間題准迤北小王子來貢禮部差該司官一員前往大同會同鎮巡等官將差來使臣逐一譯審分豁使臣若干隨來男婦若干赴京若干存留若干使臣自進并帶進其頭目下馬羸方物皮張數目俱要辨別毛齒等第編成字號填寫勘合用印鈐蓋給付各使臣收照仍著落山西行都司備造黃冊奏繳青冊先行送部以憑給賞其在彼茶飯并沿途供應及榆河驛湯飯一聽本官提督

凡貢夷限制。成化十九年題准。烏思藏長河西  
朶甘思等處國師禪師。在本地方住坐者。與各  
寺寨輪流進貢。轉滿每年百人之數。不許各另  
差人。如有退老事故。許令的親兒徒。因襲職赴  
京進貢。國師起送一百人。禪師都指揮五十人。  
已賞未襲者。再來襲職。止許一二人。其都綱指  
揮以下來襲者。止本身。隨同年例貢使赴京。○  
二十一年奏准。各處招撫生番進貢。行本處鎮  
巡等官。止許寨首一人前來。如五寨五人。十寨  
十人。不許過多。○嘉靖二十六年題准。撒馬兒

罕并土魯番。夫方國魯迷額。卽卍等朝貢。查照舊例。每十人起送二人。扣該起送赴京五十人。其存留甘肅聽賞者。除舊二百名外。量增一百名。各給口糧。照應貢人數減半給賞。餘俱阻回。自進并帶進馬匹。合例者聽候領賞。其該送還而先已給軍給驛者。量給價銀。今後所進方物。該邊官看驗。果係堪中物件。方與收載。冊內除正例外。多餘者悉退還各夷。聽其貨賣。預先省諭各夷。不許將退還之物。仍帶來京。捏稱自進。加進名色。奏擾希賞。○二十八年題准都綱刺。



麻指揮人等亦准帶二十五人○隆慶三年議  
准國師禪師都指揮等襲職差人總在年例數  
內不許另外增加襲職之後亦不許假以謝  
恩差人另貢方物各地方遇番僧進貢務將各番所

齋原給

詰勅勘合及印信番本逐一查驗明白果無冒偽  
影射情弊方許具本起送各番地方遠近不齊  
貢期不必拘以三年但未及三年不許來貢不  
願者不強○凡諸番貢不如期及年例外多貢  
者參作下次例貢之數

凡夷使病故如係陪臣未到京者本部題請幹  
林院撰祭文所在布政司備祭品遣本司堂上  
官致祭仍置地營葬立石封識到京病故者行  
順天府給棺祠祭司諭祭兵部應付車輛人夫  
各該賞衣服綵段俱付回來使臣領回頒給○  
嘉靖八年題准在館未經領賞病故者行順天  
府轉行宛大二縣預解無碍官銀三十兩發館  
每名給與棺木銀五錢支盡之日造冊繳部再  
行取用領賞以後病故者聽其自行葬埋

凡投降夷人到館譯審明白兵部題請到部關

給來降賞賜。畢日著去該都督府差委官舍伴送。兩廣軍門轉發。缺少達目衛分安插。仍給房屋牀榻。配與妻室。查照舊例養贍。

凡朝鮮國漂流夷人。至會同館。即行該館通事序班。詳審明白。日給薪米養贍。兵部委官伴送。沿途應付。至遼東鎮巡衙門。另差人員轉送歸國。通行國王知會。如該國使臣在館。即令帶回一體給賞應付。

凡差官伴送。嘉靖二十七年題准。兵部立與批限。候回京之日。查遠限久近。一年之外。武官調

衛文官罷職不敘。沿途生事殘害居民者許所  
在官司開申撫按轉達本部叅送問罪。

凡交通禁令各處夷人朝貢領賞之後許於會  
同館開市三日或五日惟朝鮮琉球不拘期限  
俱主客司出給告示於館門首張掛禁載收買  
史書及玄黃紫皂大花西番蓮段疋并一應違  
禁器物各鋪行人等將物入館兩平交易。梁作  
布絹等項立限交還如賒買及故意拖延騙勒  
夷人久候不得起程并私相交易者問罪仍於  
館前初號一箇月若各夷故違潛入人家交易

者私貨入官未給賞者量為遞減通行守邊官  
員不許將曾經違犯夷人起送赴京○凡會同  
館內外四鄰軍民人等代替夷人收買違禁貨  
物者問罪枷號一箇月發邊衛充軍○弘治十  
一年令迤北小王子等使人朝貢赴京官員軍  
民人等交易止許光素紵絲絹布衣服等件不  
許將一應兵器并違禁銅鐵等物有違犯者處  
以極刑○又奏准私將應禁軍器賣與夷人圖  
利者比依將軍器出境因而走泄事情者律各  
斬為首者仍梟首示衆○又令在京在外軍民

人等與朝貢夷人私通往來投託管顧撥置害  
人因而透漏事情者俱問發邊衛充軍。軍職有  
犯調邊衛帶俸差操通事并伴送人等係軍職  
者照軍職例係文職有職者革職為民○十三  
年奏准。甘肅西寧等處逆有番夷到來本都司  
委官關防提督聽與土人等兩平交易。若勢  
豪之家主使弟男子姪家人頭目人等將夷人  
好馬奇貨包收逼令減價以賤易貴及將鑿重  
聽使之入問發附近衛分充軍。干碍勢豪及委

官知而不舉。通同分利者。叅問治罪。○嘉靖三年。奏准夷人貢船。未曾報官盤驗。先行接買番貨者。比照私自下海收買番貨。至十斤以上。事例。違衛充軍。其交結夷人。誑騙恣暴。及教誘為亂者。比照川廣雲貴陝西等處。事例。違衛永遠充軍。一應代替夷人收買違禁貨物者。比照會同館內外軍民事例。發遣包攬。打造違式海船。賣與夷人圖利者。比照私賣應禁軍器。事例。處斷。○二十六年。題准西域各地。面退還貨物。其在邊開市之處。差委的當官員。嚴行監察。不得

與漢人交通別生事端○隆慶三年議准西番  
烏思藏等處若有近邊奸民出外勾引希圖冒  
賞者聽撫按等衙門訪拏治以交通外夷重罪  
凡貢回定限萬曆七年議准分為三等朝鮮國  
朵顏等衛女真限一箇月零十日安南琉球暹  
羅各國陝西大崇教大能仁崇隆慧濟杜巴等  
寺岷洮及莊浪等處四川金川寺加渴丸寺長  
河西雜谷長寧達思蠻等處各番僧番族限一  
箇月零二十日四川烏思藏番王董卜韓胡番  
僧寨官人等陝西贊善王弘化淨寧等寺番僧



土魯番天方國魯迷哈密等夷罕東等衛限兩  
箇月

大明會典卷之一百八